


譚友夏合集



譚友夏合集

譚元春撰



第一輯
第八種

據明原刻本排印
貝葉山房張氏藏版

中國文學珍本叢書

第一輯 第八種

中華民國廿四年十一月初版

譚友夏合集

普及本實價五角
特印本實價七角

著 撰 者 譚 元 春

校 點 者 阿 蟄 存 英

主 編 者 施 靜 廬

發 行 人 張 靜 廬

發 行 所 上海誌雜公司


上海總店：四馬路三二四號

廣州支店：永漢北路三三九號

南京支店：太平路二四八號

開封支店：中山北街三八四號

雲南支店：土主廟街四十七號



譚友夏合集序

海內奉譚子之教也久矣。澤亦寢處其中者十有餘年。而卒茫乎未有得也。輒泫然而傷之矣。澤少無文章之譽。獨欲退自循省。游衍情性。而又操作靡恆。不能專致其功。以敦進古今之業。故于詩獨便。遂矐而爲詩。然其爲詩也。不屏息矜盼以竊達于縉紳之前。不結社友以徵倖。夫騷雅之譽。不尋聲逐響以剽竊于時代之間。故宴閒習處。坦步安趨。日從事于所謂詩歸者。取其說以相覆。而胸中亦了了自明。獨愧筆梗才澀。不知其所措耳。于是以徽歸堂諸本爲驛騎焉。句櫛而字比之。朝誦而夕吟之。十年以來。輒與雲子九一搜剔真隱。博通奧會。靡娑旣久。徑路斯熟。或時有所去取。則互相傳觀。以驗其中之所得。無何而九一人官。雲子憂處。而澤亦擔簦走四方。升沉退隔。趣志異形。不能時時有所論說。惟是蹤跡既定。青氎旣安。必出其所攜書卷。陳設几席。而是書者燦然獨存。故精神所注。點勘不休。遂覺前日之所解。今日輒不能解。今日之所好。又非往日之所可好。青蒿歷易。蘭別彌遠。有指示譚

予佳處以示澤。澤亦茫然不知爲譚子詩。猝亦不得其佳處。又不解澤之悅何意。私心誦言。異其一語二語。恍惚似譚子者。或郵簡之便。足跡之至。以斯語爲贊。使親見譚子。進我於道。而又素恥未同之言。恐爲其所羞拒。讀其書想見其人。磊落自致。當不如近所稱聲氣者流。以嬖阿附媚爲親己而悅之也。故端然自處而安焉。客有自竟陵來者。輒詢其得譚子近作多少。或得其起居何似。欣然以爲樂。今年遯跡聞溪。杳隔城市。高齋古木。助以良友。竟不知其身之匏落也。坊客見有攜譚子獄歸堂新詩及鷓鴣文艸至者。急購一本相授。取而讀之。靈深之氣。響答高廣。質深之云。風發峻遠。耳目裒集。了無分屬。神魂栖尋。初不一致。道永而靜。志堅而清。眞研磨之藥鏡。豈丹鉛之榮悅也乎。乃合向所去取譚子詩以刻焉。使海內奉譚子教者。抽繹既盡。新故相接。各得其所。自進而後。不敢妄以學譚子者誤譚子也。雖然。譚子之爲譚子。豈藉人以相明乎。澤妄庸人也。奉譚子之教。以覆己之所短者也。安敢不以自明也。癸酉初秋古吳張澤題于旨齋。

自序

比年寡作。然斯事洞然。以爲詩者探始助化之物。郊廟堂故。民人禮俗。可取而賴也。何預人事。今觀予詩。多至四百葉。有幾題無人姓字者哉。愧矣。愧矣。非但詩爲朽器。諒予亦古人罪人也。力索辦四言。吃吃未克。又嘗愛古樂府。深蒼冥隱。而止令小小駘宕之音。專此一體。能心安否。詩至四百葉。而所作詩。尙未有端。請斷自是刻。將上下四旁而索之。山高淵沈而究之。于是有三告。告于帝。賜壽閒二十年。告亡父母。增吾慧。告一二亡師友。陰掣吾筆。使不得妄加點。則予猶今之可與言詩者也。

癸酉首夏朔元春書

譚友夏合集目錄 卷之一

嶽歸堂新詩

五言古詩

蔡敬夫先生賦寒河二詩見寄奉答二首

又和其來韻二首用呈懷抱

其二

其三

其四

光化舟中春熱奉懷老母夫人寄六弟元

贈

贈羅少司成師黃江

譚友夏合集 卷一 目錄

西山道中念馬仲良邀晤今日

觀裂帛湖

于司直邀入西山紀贈

西山還馬仲良以詩見簡復寄數句

長安得徐元數詩有寄因送顧青霞還吳

門

周安期忽忽辭去

與譚梁生鄰寓詩

馬仲良邀饒同茅孝若賦亭臬木葉下

留數詩別王六瑞作

爲葛處甫題幽閨人所畫野草

新化令陳鏡清予所刻寒溪六詩者也都

門得書感寄二首

其二

繹米詩乙丑六月十八日作二首

其二

蔡師亡後令弟仁夫遺問感答其意

甲子京師得池直夫書丙寅家居得書與

贈詩因寄之海上

武陵舟遇贈楊弱水先生

胡公占遊西山見予所題煙簪閣有詩和

答之

別鮑男卿寄懷劉同人

王泉歸贈胡汝濟明府

穎川張同甫曾訪予都門萬福寺投詩不

值而去丙寅冬日閒居有懷始寄答此

章

龍母詩爲君路母賦

同劉濟甫橋坐

鄂城贈傅陵九郡尊初度

送葉敬君憲副

丁卯秋場前一日看童子買草鞋戲送夏

長卿兼寄韓求仲太史

贈李都諫座師

送閔同生還苕

小米弟四十感懷成詩

答許玄昭

周伯孔移家湖岳堂招集兄弟友朋歌姬

觀湘漲因具舟泛河過歷湖蕩諸處下

泊萬樓鼓吹大作分韻記事得原字

負傅陵九觀察永州約至湘密之

園中送劉子侗黃子城龍子雲臨歸舟

送王六瑞給諫還朝

百日詩哭仲弟小米作三首

其二

其三

祝益篇送傅陵九觀察進表

送劉同人北學四十二句

檀竹鵲亭將竟送李仲含歸

譚友夏合集 卷一 目錄

譚友夏合集 卷一

嶽歸堂新詩

竟陵 譚元春友夏著

五言古詩

蔡敬夫先生賦寒河二詩見寄奉答二首又和其來韻二首用呈懷抱

杳杳吳越路，從此門前跡。我歸欣有所，河光資伏臘。天陰漏素練，月上潤玉塔。雖曰流不返，林居有吞納。茆屋圍長隄，水火自相和。溝池界爲垣，春流歸無雜。桐井覆雞鳴，渡口聲颯颯。兄弟成鄰里，賓朋知老納。倚樹時不冠，人逢無拜答。庶幾桑者心，泄泄猶杳杳。吾師曰不然，大道明闢闢。

其二

異哉淘河夫，門斷十年橋。大夫始梁之，亦以寫陶陶。喧寂無成心，高懷若冰縈。可斷亦可梁，斯人德先昭。我欲忘倚友，難念鑒其標。河水鷗所家，以我充乃僚。釣雪權煙心，耿耿貫晨宵。落葉知將生，落日知將凋。落澗知將竭，落岸知將潮。君子閉門深，百物稟榮凋。蘆荻性所堅，松柏脂所銷。吾師師此水，何以冥靜躁。

其三

寒泉亦此寒。寒山亦此寒。深巖樹靈化。蕭蕭反難干。河流周舍北。幽蹤已造端。自我桃能花。潮士時往還。緬將無競心。吐入煙物間。衣冠陳俎豆。謠誦寫人閑。非詠先王風。無以發其淵。舟車不言勞。使令不言安。所難提攜人。數子咸達觀。物外生笑語。竹風吹肺肝。豈不愜威儀。我友聊相寬。

其四

欲隱先濟世。此意空蹉跎。仰彼易名叟。卒外不求他。菴池傾僕力。微具溪與阿。曾補南嶽雲。投之東臯河。春杵雜鐘磬。綢俗相濡摩。誰結風雨歡。視此筌與簍。朴心良以一。毋乃幽緒多。弱柳亦有浪。古松亦有波。肅肅乃娉娟。懷君能不歌。我歌臨河水。河水流奈何。

光化舟中春熱奉懷老母夫人寄六弟元禮

最憐吾母愈。似人多病時。遊子數出門。良由未經思。難言諸仲季。齋塾非遽離。母愛無是非。含哺卽爲飴。前欲向汝拜。忍膝恐淚隨。初向長安道。相戒勿苦悲。俗情不可同。聊以慰親知。郎襄風土高。兼早來牟危。鳩喚吐新熱。不爲春雨資。憶母身上衣。增損是其期。酌汝軒牖間。敬哉延涼颺。

贈羅少司成師黃江

嘗陋陳正字。胡琴集市喧。所以客京師。破寺隔顏垣。吾鄉羅先生。體氣如湘源。淡淡秋水月。分身注甕盆。君適爲陽城。我來作何蕃。北面窺高座。巾幘肅心魂。遭際成師友。絲毫皆君恩。班行喜深耀。皇皇讀我敦。逡巡未肯前。亦以見道尊。執經古所許。是日上公門。

西山道中念馬仲良邀晤今日

一路把君詩。過門不及訪。嫩月慕山光。展期未暇往。歡我事。事然。後時多仔細。楓柿紅。高秋微涼天氣。廣安能城中坐。徒受喧塵享。山亦喜人來。不問罪今幾。君子物。表心豈不嘉。空朗。

觀裂帛湖

行藻蘊冰天。湖以潭爲質。龍雨眠一湫。畏人多自匿。百怪摩不爲。咽咽如魚瀑。波眼各自吹。肯同衆流登。注目不暫捨。神霄凝爲一。森哉發元化。吾見眞宰滴。

于司直邀入西山紀贈

相攜入秋山。與君見而始。人情重拜揖。脫略高雲裏。巧熟自相因。靜默禽露譏。先引謁奇樹。再導躋芳芷。纈草香衣裾。約泉行纓底。升降君所司。虛衷聽起止。香山而能言。感君來君子。

西山還馬仲良以詩見簡復寄數句

不甚急君晤。良由平素深。反覺故識人。尙多遠見心。故人急鬚眉。故心急高森。十年蘊形影。水月默相尋。譬如交隆古。未而始得欽。良覲今可遂。常恐洩幽襟。京師萬物早。菊先重陽臨。地褰拉使燥。易使花散金。杯酒涼秋天。漠漠山環吟。雞鳴見君子。我懷如空林。

長安得徐元歙詩有寄因送顧青虛還吳門

如何君形影。乃覺都城遇。我無山川心。致君車馬句。塵護不敢道。累君失君素。一舟易江水。慈親有日暮。

貧養必以身。友尙可神晤。問我胡燕遊。我難答其故。面赤真無益。路窮行非路。含情送君友。愁心噴煙霧。

周安期忽忽辭去

此心向君驚。明日歸路多。颯如獨坐時。夜半開牕過。丈夫萬事左。誓莫嘆蹉跎。請看吳楚路。原不同煙波。君歸我卽歸。君問歸如何。

與譚梁生鄰寓詩

南屏窺子齋。勝因窗牖透。湖上登我舫。奇唱發初遠。五年天涯身。再逢鬚及袖。我退君則進。胸中不可究。鈴鞞與圖書。常若馬處臙。馬有出厥心。慨世將焉救。人生射猛虎。卽是依靈鷲。以我空拳人。雖勇不逞鬪。京兆試失利。丘巖難難驟。乙我而甲君。壯心拱手授。京城路易遠。卜鄰君先儼。月寒不能寐。門掩頻相叩。兩人何所語。耿耿菊香候。

馬仲良邀餞同茅孝若賦亭臯木葉下

秋風帶早寒。吹君鄰家樹。葉葉望遠吹。在君塘下遇。木與葉相別。飄焉墻瓦赴。颯香散秋迴。非爲霜所誤。如何故人影。看作霜天路。是夕燈外菊。同心照遲暮。

留歎詩別王六瑞作

與君同井邑。升沉各在京。非緣今始合。結交難結輕。是年官騎馬。沙土飛冠纓。衝塵出破寺。肝膽吐可驚。長髮怨遙邸。裹飯頻出城。宵夢與晨思。片紙走營營。青鸞月一隻。照柏舞鐘聲。安知故鄉遠。所有懷抱明。初秋

拜夕卽封事有紀經。笏影含希夷。君友一精誠。氣宜栩栩化。非但不爲名。質生憂已久。原不在枯榮。還家郊糞寬。千竹水一泓。留歡在君處。我尙力我耕。

爲葛巖甫題幽閨人所畫野草

燕中草木稀。何人畫此草。自是幽閨人。無端發靜好。偶見上堦生。索筆向秋杪。毫素覓不及。閒心豫成稿。啜唾化野烟。未必由墨掃。觀者前世來。足令秋天了。

新化令陳鏡清予所刻寒溪六詩者也都門得書感寄二首

行住待終古。果得遇君詩。君詩如有覺。衡泉彼壁馳。我適遭天幸。退卽告友師。數眼同一心。各口無兩辭。何必有故舊。此物真絕奇。曾聞峯與塔。飛飛自外夷。精神萬里來。豈人力致之。甲子春客燕。家以君書貽。得書寧不喜。心中反自嗤。可惜神賞意。機泄受君知。雲雨雖一物。常感雲生時。

其二

廉吏不願富。老吏不遑貴。持此太古心。豈能甘官味。前亦有所聞。不免私相喟。歸耕性可伸。懷袖忠孝氣。時勢迫令然。非關人勇毅。大哉吾取法。蒿中一仲蔚。

羅米詩乙丑六月十八日作

獨餽看人饑。腹充神不完。我在凶歲內。不可謂旁觀。雖有家人餽。喜因賓遊殘。冬衣夏所用。出糴不爲難。糴谷糴糲力。餓婢催心肝。未若糴米好。八門旋作淪。米價朝夕更。人如饑鳥攢。富人與市兒。倡和作粘竿。安能

久不食。嗟哉立城端。

其二

六月望前後。稻花香過區。子粒未暇黃。益與初饑殊。令尹平其直。忽復閉倉庾。瘠石空夜還。吾尙立隕途。山僧學道人。愛與其飢飭。一舟下蓮塘。相餽亦須臾。老衲慈有數。倒囊向子輸。反令僧爲惜。此意化嗟乎。有弟不失養。瓶粟多私儲。君看吾饑時。何以不瞿瞿。

蔡師亡後令弟仁夫遺問感答其意

弟兄無各羣。師友非偏篤。不恨見友晚。但恨失師速。我師恨煙符。其弟問林屋。殘驛乞馬來。悽然嚮僮僕。展誓不敢喜。拜使先之哭。平生春草心。它鄉夢常綠。貽弟惟良友。未面意久熟。曾代鴈鳴渚。以答鶯啼谷。曾寄仁夫詩。先生代答四首。此意是何如。皓首當交勗。

甲子京師得池直夫書丙寅家居得書與贈詩因寄之海上

奇人住閩海。日月出其門。白鷺兼島湧。吟嘯相崩奔。王屏太古色。手自劈雲根。雲斷攝怪石。文字補無痕。萬里尋儔匹。只如越陌存。會面非所急。親舊安足論。念我亡師友。無日不聲吞。眞宰逃無處。皇皇收心魂。靈秀傾人命。徒令拙者尊。與君暮相保。進以大道言。浮丘遇安期。所談近蒙昏。世人風煙下。一笑焦螟喧。

寄鄭別駕吳君

文人作郡倅。世爭數轍軻。豈知學道人。亭屯任運安。舉世戲相逐。有如男女羸。日爲青裾婦。寧羨佩玉環。

渭中三府瘡，少時半牢鎖。爾西通曉關，嫩小隴未果。日見過墻鹿，卿草剝陽輝。憶君是時步，如與相左右。但以我知君，因覺君知我。無天習英稀，遙遙存碩果。

武陵舟寓贈楊弱水先生

客心寫空江，客蹤愛孤艤。瑞人與神士，自賀得梯接。中丞風義高，嚴遠歷多劫。大道萬物母，實心眞宰血。昨日識鬚眉，十年動齒頰。相見欲致辭，忽覺無可拾。君適聞一郊，丘壑入匡鑒。高樓收眺聽，目往闢紅葉。繁霜落不及，妙客恣凌獵。

胡公占遊西山見予所題煙營閣有詩和答之

巖壑不可盡，煙嵐向夕通。坐臥碧岑上，星辰立燈中。香山宮闕心，樓與百祥同。僧懶不曉磬，鳴磬如幽衷。天半行筆墨，亦戲存遙蹤。用我手裏盡，映夜目熊龍。吟嘯落人世，曲折亦從風。佳句裂帛穿，疑經湖水融。始知高下際，斷士收厥功。

別鮑男卿寄懷劉同人

劉生五年別，不謬劉生意。約略心口間，常有男卿字。男卿會涼卿，久亦成良友。又愛劉生字，日在男卿口。野蕓立東風，柳色牽腸去。告別車馬香，背影滿君處。我寄劉生書，自喜常飄泊。飄泊固人心，無復友邊薄。

玉泉歸贈胡汝濟明府

胡公才卓然，惘歎作良牧。許我玉泉流，登樓共游目。日愛清漳清，不愛曲沮曲。時雨散襟袖，好風吹鬼谷。